



**ՌՈՒՄԻՆԱԿԱՆ ԺՈՂՈՎՐԴԱԿԱՆ ՌԵՍՊՈՒԲԼԻԿԱՅԻ
ԱԶԳԱՅԻՆ ՄԵԾ ԺՈՂՈՎԻ ՆԱԽԱԳԱՀՈՒԹՅԱՆ ՆԱԽԱԳԱՀ
ԴՈԿՏ. ՊԵՏՐՈՒ ԳՐՈԶԱՅԻ ՇՆՈՐՀԱՎՈՐԱԿԱՆ ՀԵՌԱԳԻՐԸ
ՎԵՀԱՓԱՌԻՆ**

ՐՈՒՆԱՐԵՍՏԻՑ

Մամուլի և ուղիղի միջոցով լսեցինք Երևանից հասած ուրախադիր լուրը, որ Հայոց Ազգային-Եկեղեցական ժողովը, գումարված սույն քվի սեպտեմբերի 30-ին, Ձեզ ընտրել է Մայրագույն Պատրիարք-Կաթողիկոս Ամենայն Հայոց:

Վազգեն Եպիսկոպոս Պալեյանը, Ռումինահայ բեմի առաջնորդը, բարձրացավ այդպիսով իր Եկեղեցու նվիրապետության ամենաբարձր աստիճանի վրա, և այս պարագան ուրախացնում է նաև մեզ, ծանոթ լինելով երիտասարդ Հովվապետի արժանիքներին, որ առանց պատրիարքական տարիքի հասած լինելու, կոչված է այժմ, Ազգային-Եկեղեցական ժողովի վստահությամբ, ստանձնելու Հայաստանյայց Եկեղեցու գերագույն ղեկավարությունը:

Ներկայացնում եմ նաև իմ կողմից Ձերդ Սրբության ամենաշեմ մաղթանքներն առողջության և աշխատանքի ուժի, որպեսզի կատարելագույն չափով հաջողություն ունենաք Ձեր առաքելության մեջ, Ձեր աշխատանքի ասպարեզը ավելի և ավելի ընդարձակելով նաև ի խնդիր խաղաղության մեծ դատի պաշտպանության, բարոգելով բարի հասկացողություն և եղբայրություն բոլոր խաղաղասեր ժողովուրդների միջև:

Մեր վաղեմի հարգանքի զգացումներով Ձերդ Սրբության՝

ՌՈՒՄԻՆԱԿԱՆ ԺՈՂՈՎՐԴԱԿԱՆ ՌԵՍՊՈՒԲԼԻԿԱՅԻ

ԱԶԳԱՅԻՆ ՄԵԾ ԺՈՂՈՎԻ

ՆԱԽԱԳԱՀՈՒԹՅԱՆ ՆԱԽԱԳԱՀ՝

ԴՈԿՏ. ՊԵՏՐՈՒ ԳՐՈԶԱ.

ՎԵՀԱՓԱՌԻ ՊԱՏԱՍԽԱՆԸ ԴՈԿՏ. ՊԵՏՐՈՒ ԳՐՈԶԱՅԻՆ

ՐՈՒՆԱՐԵՍՏ

Ամենախորին հուզմունքով կարդացինք Ձեր ողջույնի խոսքը Մեր ընտրության առթիվ:

Հազարամյա Մայր Աթոռ Սուրբ Էջմիածնից և սուրբգրական Արարատի ստորոտից ընդունեցինք Մեր սիրո և երախտագիտության ջերմ ողջույնը ուղղված Ձեզ, ումին խաղաղասեր ժողովրդին ու Ռումինական ժողովրդական Ռեսպուբլիկայի նախագահության, ինչպես և բարեխնամ կառավարության:

Մենք միշտ աղոթող առ Աստված Ձեր առողջության ու երջանկության համար, վասն առաջադիմության և բարօրության Ռումին Հայրենիքի և վասն խաղաղության ու բարեկամության ժողովուրդների միջև:

Օրհնությամբ՝

ՎԱԶԳԵՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ